

RHAGOLWG

Gellir dod o hyd i ddogfennau ategol perthnasol dan "Busnes y Cynulliad" "Dogfennau a Osodwyd" sydd, fel arfer, yn cael eu gosod ar y wefan 3 diwrnod gwaith cyn y cyfarfod llawn perthnasol.

[Hysbyswyd gan y Trefnydd mewn datganiad i'r cynulliad 10 Mai 2005]

Dydd Mawrth 17 Mai a dydd Mercher 18 Mai 2005

Dydd Mawrth 24 Mai a dydd Mercher 25 Mai 2005

Recess 30 Mai i 3 Mehefin 2005

Dydd Mawrth 7 Mehefin a dydd Mercher 8 Mehefin 2005

Dydd Mawrth 17 Mai 2005

- **Motion(s) to elect member(s) to Subject Committees (1 funud)**
- **Cwestiynau i Brif Weinidog Cymru (45 munud)**
- **Datganiad Busnes (10 munud)**
- **Cynnig i gymeradwyo o dan Reol Sefydlog 24.25 (1 munud)**
- **Rheoliadau Cyflasynnau Mwg (Cymru) 2005**

Mae'r Rheoliadau hyn yn darparu ar gyfer gorfodi a gweithredu darpariaethau Rheoliad (EC) Rhif 2065/2003 Senedd Ewrop a'r Cyngor ar y cyflasynnau mwg a ddefnyddir neu y bwriedir eu defnyddio mewn bwydydd neu arnynt. Mae'r Rheoliadau hyn yn cyflwyno mesurau'n ymwneud ag asesu diogelwch ac awdurdodi cyddwysiadau sylfaenol a/neu gyflasynnau mwg deilliedig i'w defnyddio mewn bwydydd neu arnynt. Mae'r Rheoliadau hefyd yn caniatáu ar gyfer darpariaethau cenedlaethol yn ymwneud â chyflasynnau mwg a'u defnyddio mewn bwydydd neu arnynt i barhau i fod mewn grym tan 16 Mehefin

2005.

- **Gorchymyn Tai (Hawl i Brynu) (Blaenoriaeth Arwystlon) (Cymru) 2005**

Yr effaith a fwriedir gan y Gorchymyn hwn yw pennu London Scottish Finance Limited, Cheshire Mortgage Corporation Limited, Money Partners Limited a Money Partners Finance Limited yn sefydliadau benthycy cymeradwy i hwyluso'r hawl i brynu a gwerthiannau tebyg. Mae'r disgownt cyfan, neu ran ohono, a roddir ar eiddo sy'n cael ei werthu o dan yr hawl i brynu, i'w ad-dalu i'r awdurdod lleol os caiff yr annedd ei ailwerthu cyn pen tair blynedd (neu bum mlynedd yn achos tenantiaid newydd). Mae Deddf Tai 1985 yn darparu bod hawl yr awdurdod lleol i adennill y disgownt yn cael ei ddiogelu gan arwystl ar yr annedd, oni bai fod sefydliad benthycy cymeradwy wedi gwneud benthyciad gwarantedig fel bod modd i'r prynwr brynu'r eiddo. Os felly, mae arwystl y sefydliad benthycy cymeradwy yn cael blaenoriaeth dros arwystl yr awdurdod lleol. O dan y Ddeddf mae cymdeithasau adeiladu, banciau a chwmnïau yswiriant yn sefydliadau benthycy cymeradwy. Gall cyrff eraill wneud cais i gael eu pennu drwy Orchymyn.

- **Cynnig i drafod y 6 eitem ganlynol gyda'i gilydd ond gyda phleidleisiau ar wahân (30 munud)**
- **Cynnig i gymeradwyo Rheoliadau Hawliau Ailfyndiad a Fforffediad (Swm a Chyfnod Rhagnodedig) (Cymru) 2005**

Mae'r Rheoliadau hyn yn atal landlord sydd o dan les hir ar annedd rhag arfer hawl ailfyndiad neu fforffediad os bydd tenant yn methu â thalu swm wedi'i wneud o rent, taliadau gwasanaeth neu daliadau gweinyddu (neu gyfuniad ohonynt) oni bai fod y swm sydd heb ei dalu yn fwy na'r swm rhagnodedig neu'n swm sydd wedi'i wneud o swm a fu'n daladwy am fwy na chyfnod rhagnodedig neu'n swm sy'n cynnwys swm o'r fath. Mae Rheoliad 2 o'r Rheoliadau hyn, sy'n gymwys o ran anheddau yng Nghymru yn unig, yn rhagnodi'r swm o £350 a chyfnod o dair blynedd. Mae hyn yn cyfateb â'r Rheoliadau yn Lloegr.

- **Cynnig i gymeradwyo Deddf Cyfundaliad a Diwygio Cyfraith Lesddaliad 2002 (Cychwyn Rhif 3 ac Arbediad a Darpariaeth Drosiannol) (Cymru) 2005**

Mae'r Gorchymyn hwn yn dwyn i rym ddarpariaethau pellach Rhan 2 (Diwygio Cyfraith Lesddaliad) o Ddeddf Cyfundaliad a Diwygio Cyfraith Lesddaliad 2002.

Maent yn cynnwys:

- Darpariaethau sy'n rhoi hawl i lesddeiliaid ddewis eu hyswiriwr tai eu hunain;
- Darpariaeth sy'n ei gwneud yn ofynnol i landlordiaid gyflwyno hysbysiad ysgrifenedig i lesddeiliaid o rent tir cyn bod y rhent yn ddyledus;
- Darpariaethau sy'n atal landlord rhag peri i chi fforffedu'ch les am beidio â thalu rhent, taliadau gwasanaeth neu daliadau gweinyddu (neu gyfuniad ohonynt) os yw'r swm sy'n ddyledus neu'r cyfnod yn llai na'r hyn a ragnodwyd yn y rheoliadau.
- Darpariaethau sy'n atal landlord rhag cyflwyno hysbysiad fforffedu oherwydd bod cyfamod neu amod yn y les wedi'i dorri oni bai fod y lesddeiliad yn cyfaddef ei fod wedi'i dorri, neu fod Tribiwnlys Prisio Lesddaliadau wedi penderfynu'n derfynol bod y toriad wedi digwydd, neu o dan gytundeb cymrodeddu ar ôl-dadl;
- Darpariaethau sy'n pennu'r dyddiad prisio ar gyfer rhyddfrefinio ar y cyd ar y dyddiad y mae hysbysiad gwreiddiol yn cael ei roi i'r landlord;
- Darpariaethau sy'n ymestyn awdurdodaeth Tribiwnlysoedd Prisio Lesddaliadau;
- Darpariaethau ar gyfer diwygiadau a diddymiadau canlyniadol a wnaed gan Ddeddf 2002 mewn Deddfau eraill.

- **Cynnig i gymeradwyo Rheoliadau Tai Lesddaliad (Hysbysiad o Warchodaeth Yswiriant) (Cymru) 2005**

Mae'r Rheoliadau hyn, mewn rhai amgylchiadau, yn galluogi tenant t sydd â les hir, i osgoi'r gofyniad i yswirio'r t gydag yswiriwr a enwebwyd neu a gymeradwywyd gan y landlord. Un o'r amgylchiadau yw bod y tenant yn rhoi "hysbysiad o warchodaeth" i'r landlord y mae'n rhaid nodi ynddo enw'r yswiriwr, y risgiau a warchodir gan y polisi, swm a chyfnod y warchodaeth, ac unrhyw wybodaeth bellach y gellir bod wedi'i rhagnodi gan y Rheoliadau. Mae'r Rheoliadau hyn yn rhagnodi gwybodaeth bellach sydd i'w chynnwys mewn hysbysiad o warchodaeth. Rhaid i'r hysbysiad fod ar y ffurf a geir yn yr Atodlen i'r Rheoliadau neu ar ffurf sylweddol debyg ei heffaith.

- **Cynnig i gymeradwyo Rheoliadau Landlord a Thenant (Hysbysu o Rent) (Cymru) 2005**

Mae'r Rheoliadau hyn yn ymwneud â ffurf a chynnwys hysbysiadau sy'n gofyn bod rhent tir yn cael ei dalu. Nod y Rheoliadau yw sicrhau bod lesddeiliaid yn cael eu hysbysu bod rhent tir yn ddyledus, yn cael amser rhesymol i wneud y taliad, heb orfod wynebu costau ychwanegol, ac yn cael gwybod beth allai ddigwydd os nad yw'r rhent yn cael ei dalu. Dylid defnyddio'r ffurf newydd ar gyfer hysbysiad mewn ymateb a roddir ar neu ar ôl y dyddiad y daw'r Rheoliadau hyn i rym, neu ar ffurf sylweddol debyg ei heffaith.

- **Cynnig i gymeradwyo Rheoliadau Tribiwnlysoedd Prisio Lesddaliadau (Gweithdrefn) (Diwygio) (Cymru) 2005**

Sefydlwyd y Tribiwnlysoedd Prisio Lesddaliadau, sydd bellach yn rhan o'r Tribiwnlys Eiddo Preswyl, gan Ddeddf Tai 1980. Ers hynny, mae rôl wedi'i

datblygu ar gyfer y Tribiwnlysoedd Prasio Lesddaliad i ddarparu ffordd hawdd ei defnyddio a chymharol hyddysg o ddatrys anghydfodau rhwng landlordiaid a thenantiaid. Mae Deddf Cyfunddaliad a Diwygio Cyfraith Lesddaliad 2002 yn cynyddu awdurdodaeth y Tribiwnlysoedd Prasio Lesddaliad mewn nifer o ffyrdd, gan drosglwyddo awdurdodaeth neilltuedig iddynt dros y Llysoedd Sirol ar gyfer nifer o faterion. Yn eu plith mae'r grym i benderfynu ar geisiadau sy'n gysylltiedig â'r hawl newydd a gyflwynwyd o dan adran 168 o Ddeddf 2002. Mae hon yn atal landlord rhag cyflwyno hysbysiad i beri bod tenant yn fforffedu les am ei fod wedi torri cyfamod neu amod yn y les, oni bai fod y tenant yn cyfaddef ei dorri neu bod y Tribiwnlysoedd Prasio Lesddaliad wedi penderfynu'n derfynol bod y toriad wedi digwydd. Mae'r Rheoliadau hyn yn diwygio Rheoliadau Tribiwnlysoedd Prasio Lesddaliadau (Gweithdrefn) (Cymru) 2004 i ddarparu ar gyfer yr awdurdodaeth newydd hon ac i wella effeithlonrwydd y Tribiwnlysoedd Prasio Lesddaliadau o ran materion gweithredu.

- **Cynnig i gymeradwyo Rheoliadau Taliadau Gwasanaeth (Gofynion Ymgynghori) (Diwygio) (Cymru) 2005**

Bydd y Rheoliadau hyn, sy'n diwygio Rheoliadau Taliadau Gwasanaeth (Gofynion Ymgynghori) (Cymru) 2004, yn esbonio'r amgylchiadau lle bydd yn ofynnol i landlordiaid, sydd am ymrwymo i gytundebau hirdymor am gyfnod o fwy na 12 mis, gynnal gweithdrefnau ymgynghori ffurfiol ar daliadau gwasanaeth gyda thenantiaid. Mae'r gwelliannau'n ymwneud â'r dehongliad o "gyfnodau cyfrifo"; yn benodol, maent yn ymwneud â dyddiad dechrau'r cyfnod cyfrifo cyntaf sy'n berthnasol i rai cytundebau hirdymor. Mae'r gwelliannau'n effeithio ar unrhyw landlord sy'n bwriadu ymrwymo i gytundeb hirdymor cymwys ar neu ar ôl 31 Mai 2005 lle nad oes cyfrifon priodol wedi'u paratoi eisoes.

- **Dadl ar y cynnydd mewn troseddau hiliol (60 munud)**

-

- **Dadl ar Adroddiad y Pwyllgor Llywodraeth Leol a Gwasanaethau Cyhoeddus ar ei Adolygiad o Weithredu'r Rheoliadau Gwasanaethau Cyhoeddus a'r Drefn Arolygu yng Nghymru (60 munud)**

Diben y ddadl hon yw trafod canfyddiadau ac argymhellion ymchwiliad y Pwyllgor Llywodraeth Leol a Gwasanaethau Cyhoeddus i'r drefn o reoleiddio ac arolygu gwasanaethau cyhoeddus yng Nghymru. Mae'r Adroddiad yn edrych ar y drefn o reoleiddio ac arolygu sy'n ymwneud â chylch gwaith ehangach y Pwyllgor o ran gwasanaethau cyhoeddus yn ogystal â gwneud argymhellion manwl ar y drefn o reoleiddio ac arolygu gwasanaethau llywodraeth leol. Bydd yr adroddiad yn cael ei lansio ar 11 Mai 2005.

Dydd Mercher 18 Mai 2005

- **Cwestiynau Cyllid i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus (30 munud)**
- **Cwestiynau i Carwyn Jones, y Gweinidog dros yr Amgylchedd, Cynllunio a Chefn Gwlad (30 munud)**
- **Dadl ar 'Hidden Harm - Responding to the needs of children of problem drug users' (60 munud)**

Adroddiad ymchwil a wnaed gan Gyngor Ymgynghorol Llywodraeth y DU ar Gamddefnyddio Cyffuriau. Mae cynrychiolwyr Gweithgor Atal y Cyngor a oedd yn gyfrifol am gynnal yr Ymchwiliad yn dod o amrediad o gefndiroedd gwahanol.

- **Dadl ar Fand Eang Cymru (60 munud)**
- **Dadl fer (30 munud)**

Dydd Mawrth 24 Mai 2005

- **Cwestiynau i Brif Weinidog Cymru (45 munud)**
- **Datganiad Busnes (10 munud)**
- **Datganiad gan y Gweinidog dros Ddatblygu Economaidd a Thrafnidiaeth: Ymateb Llywodraeth Cynulliad Cymru i Adroddiad y Pwyllgor Datblygu Economaidd ar Anweithgarwch Economaidd (30 munud)**

Trafodwyd Adroddiad y Pwyllgor Datblygu Economaidd ar Anweithgarwch Economaidd yn y Cyfarfod Llawn ddydd Mawrth 19 Ebrill.

- **Cynnig i gymeradwyo o dan Reol Sefydlog 24.25 (1 munud)**
- **Rheoliadau TSE (Cymru) (Diwygio) 2005**

Mae'r Rheoliadau hyn yn cael eu gwneud o ganlyniad i ddiwygiadau cysylltiedig i Ddeunydd Risg Penodedig Rheoliadau Enseffalopathïau Sbyngffurf Trosglwyddadwy (TSE) y CE.

- **Rheoliadau Porthiant (Sefydliadau a Chyfyngwyr) (Diwygio) (Cymru) 2005**

Bydd y Rheoliadau arfaethedig yn trosi ac yn gweithredu Penderfyniad y Comisiwn 98/728/EC, sy'n ei gwneud hi'n ofynnol i Aelod-wladwriaethau godi tâl ar fusnesau porthiant am y gost o gymeradwyo eu safleoedd.

- **Gorchymyn Deddf Addysg 2002 (Cychwyn Rhif 6 a Darpariaethau Trosiannol) (Cymru) 2005**

Mae'r Gorchymyn yn dod â darpariaethau yn Neddf Addysg 2002 i rym er mwyn parhau i wireddu'r cynigion yn y ddogfen 'Y Wlad sy'n Dysgu', dod â darpariaethau eraill yn y Ddeddf sy'n berthnasol i Gymru i rym, a gwneud y darpariaethau trosiannol angenrheidiol sy'n ymwneud â chylchoedd derbyn ac apelau.

- **Gorchymyn y Cwricwlwm Cenedlaethol (Trefniadau Asesu Cyfnod Allweddol 3) (Cymru) 2005**

Bydd y Gorchymyn hwn yn disodli Gorchymyn y Cwricwlwm Cenedlaethol (Trefniadau Asesu Cyfnod Allweddol 3) (Cymru) 1997 (fel y'i diwygiwyd), sy'n pennu'r trefniadau asesu ar gyfer disgyblion ar ddiwedd Cyfnod Allweddol 3. Mae'n cael gwared â'r anghenraid statudol i weinyddu profion y Cwricwlwm Cenedlaethol mewn pynciau craidd.

- **Rheoliadau Trefniadau Asesu y Cwricwlwm Cenedlaethol (Diwygiadau Amrywiol) (Cymru) 2005**

Bydd y Rheoliadau hyn yn diwygio'r Rheoliadau presennol i gael gwared â chyfeiriadau at brofion y Cwricwlwm Cenedlaethol ar ddiwedd Cyfnod Allweddol 3 a bydd yn nodi'n fwy manwl y defnydd a wneir o ganlyniadau asesiadau'r athrawon.

- **Cynnig i gymeradwyo Rheoliadau Addysg (Trefniadau Apelau Derbyn) (Cymru) 2005 (15 munud)**

Cyflwynodd Deddf Safonau a Fframwaith Ysgolion 1998 fframwaith derbyn newydd. Ei nod oedd gwneud y trefniadau a'r gweithdrefnau derbyn yn fwy clir, teg a gwrthrychol ac fel bod modd cwrdd â dewisiadau'r rhieni hyd y gellir. Yng Nghymru, cafodd Codau Ymarfer statudol ar Dderbyn i Ysgolion ac Apelau Derbyn i Ysgolion eu cyflwyno ym mis Ebrill 1999 a mis Medi 1999. Mae Deddf Addysg 2002 yn diwygio Deddf Safonau a Fframwaith Ysgolion 1998 yn y fath fodd fel bod y trefniadau manwl ar gyfer apelau derbyn, oedd i'w cael yn wreiddiol yn Atodlenni 24 a 25 o Ddeddf Safonau a Fframwaith Ysgolion 1998,

yn cael eu cynnwys yn y Rheoliadau. Yn y Rheoliadau mae trefniadau ar gyfer panelau apêl y mae'n ofynnol iddynt gael eu sefydlu gan awdurdodau addysg lleol, corff llywodraethu neu lle mae trefniadau ar y cyd yn cael eu gwneud gan ddau gorff llywodraethu neu ragor, neu'r awdurdod lleol ac un neu ragor o gyrff llywodraethu.

- **Cynnig i gymeradwyo Rheoliadau Cynhyrchu Colagen Buchol y Bwriedir i Bobl ei Fwyta yn y Deyrnas Unedig (Cymru) 2005 (15 munud)**

Mae'r Rheoliadau hyn yn codi'r gwaharddiad ar gynhyrchu colagen (protein ffibrog sy'n dod o groen, cartilag, asgwrn a meinweoedd eraill) sy'n dod o grwyn anifeiliaid buchol a gigyddir yn y Deyrnas Unedig ac y bwriedir i bobl ei fwyta yn y Deyrnas Unedig. Bydd y gwaharddiad ar allforio colagen o'r fath yn parhau mewn grym. Maent hefyd yn gwneud diwygiadau canlyniadol i'r Rheoliadau Bucholion a Chynhyrchion Buchol (Masnach) 1999 (OS 1999/1103), fel y'u diwygiwyd, er mwyn galluogi'r defnydd o colagen mewn cynhyrchion sydd i'w bwyta gan bobl yn y DU. Mae'r Rheoliadau hyn hefyd yn pennu amodau o ran diogelwch bwyd ar gyfer cynhyrchu colagen o'r fath.

- **Dadl wedi'i henwebu gan y Blaid Geidwadol (45 munud)**

Dydd Mercher 25 Mai 2005

- **Cwestiynau i Brian Gibbons, y Gweinidog dros Iechyd a Gwasanaethau Cymdeithasol (30 munud)**
- **Cwestiynau i Alun Pugh, y Gweinidog dros Ddiwylliant, y Gymraeg a Chwaraeon (30 munud)**
- **Cwestiynau i Bwyllgor y T (5 munud)**
- **Dadl ar Adroddiad y Pwyllgor Ad Hoc ar Ysmygu mewn Mannau Cyhoeddus (90 munud)**
- **Dadl fer (30 munud)**

Dydd Mawrth 7 Mehefin 2005

- **Cwestiynau i Brif Weinidog Cymru (45 munud)**

- **Datganiad Busnes (10 munud)**
- **60 munud wedi'i neilltuo ar gyfer is-ddeddfwriaeth**
- **Motion to delegate functions under the Education Act 2005 to the First Minister (15 munud)**
- **Dadl wedi'i henwebu gan Blaid Democratiaid Rhyddfrydol Cymru (45 munud)**

Dydd Mercher 8 Mehefin 2005

- **Cwestiynau Llywodraeth Leol i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus (30 munud)**
- **Cwestiynau i Jane Davidson, y Gweinidog dros Addysg a Dysgu Gydol Oes (30 munud)**
- **Cynigion i ddirprwyo swyddogaethau o dan Ddeddf Diogelu Data 1998 a Rheoliadau Gwybodaeth Amgylcheddol i Brif Weinidog Cymru; a dirprwyo swyddogaethau o dan Ddeddf Diogelu Data 1998, Deddf Rhyddid Gwybodaeth a Rheoliadau Gwybodaeth Amgylcheddol i Bwyllgor y T (15 munud).**
- **Dadl ar ymateb Llywodraeth Cynulliad Cymru i Adroddiad y Gweithgor Gofal Plant (60 munud)**
- **Dadl fer (30 munud)**